

Мини дун

Республик, төрски газрм!
Өргн теегм, өнр хальмгм,
Хама газрт йовв чигн
Хамдан мини уханлат.

Халун нарта Хальмгм,
Хотл балгъсн-Элстм,
Хальмг күүкнә дууг
Хол газрас сонъстн!

Энд, газрин холд,
Энъкр төрскнәсн ууджмд,
Уулин ондртнъ гарнав,
Ухандан теегән орулнав.

Харцх хойр нүдәрн
Харвдж чамагъан герднәв,
Халун таалмджта салькичн
Хавлад киилсн болнав.

Өргн Көк тенъгс
Өмнм наласн болна,
Өмәрән үкс ишкәд
Өрддән шахсн болнав.

Газринчнь өвсиг унрксн
болнав,
Голинчнь уснас уусн болнав,
Гуджрмг уурүмдләгъән хар-
гъсн болнав,
Гаран сунъгъад, мендлсн
болнав.

Цецгәрсн сәәхн зург
Чееджим уудулсн болна,
Ценънсн багъчудин дун
Чикндм сонъсгдсн болна.

Бәрсн-күцәсн диилврчн
Байрар чееджим дүүргнә,
Байрта-бахта джиргълчн
Бамб-цецгшнъ ургътха!

Хальмг республик тосхджах
Хәәртә ахир-дүүнртән,
Хәрин хол газрас
Халун мендән илгәджәнәв.

У, сарул гермүд
Урчуд гартасн гаргъг.
Уух-идх телжәлмчн
Усн мет элвджг.

Өсич, өргджич Республик,
Өмнкәсн герлтә болич!
Өдр-сө ирвәс
Өврдмж болмар сәәхрич!

Кучн-чидлән негдүлий,
Көдлмшин чинр икдүлий,
Күмн әмтнә күцл—
Коммунизмүр шулугъар кү-
рий!

ОЧРА Надежда.